



**Politička organizacija građana "Naša stranka"**

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: [nasastranka@nasastranka.ba](mailto:nasastranka@nasastranka.ba)

Web: [www.nasastranka.ba](http://www.nasastranka.ba)

**Vildana Bešlija**

Zastupnica u Skupštini Kantona Sarajevo

Broj: \_\_\_\_/19

Sarajevo, 25.09.2019.

**Dostaviti:**

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

n/r predsjedavajući Skupštine Kantona Sarajevo

Uputiti: Vlada Kantona Sarajevo

Ministarstvo privrede

## **PREDMET: INICIJATIVA**

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo upućujem *inicijativu za izmjenu legislative o javno privatnom partnerstvu u Kantonu Sarajevo*

---

## O B R A Z L O Ž E N J E

Uvidom u praksu drugih kantona i regije, te na osnovu preporuka Komisije za JPP KS, usvojenog od strane Skupštine u feb 2019., podnosim inicijativu za izmjenu legislative o javno privatnom partnerstvu u Kantonu Sarajevo

Pritisak na javni sektor u Kantonu Sarajevo da rješava nagomilane probleme u skoro svim aspektima povjerenih mu nadležnosti je veliki i kontinuirano raste. Građani s pravom traže bolje obrazovanje, bolju zdravstvenu zaštitu, bolji javni prijevoz, adekvatno odlaganje otpada, kontinuirano snabdjevanje vodom sigurnom za piće, zrak siguran za disanje.

Količina i suština tih problema bi bila izazov i za puno razvijenije administracije od ovih koje imamo u BiH i Kantonu Sarajevo. Stoga, da bismo ubrzali tempo i dali građanima ono što im pripada – bolje javne usluge, bolju upravu, trebamo pojačanje kroz nove ideje i nove partnere.

Jedan od ključnih načina za to širom svijeta je alternativni model javne nabavke infrastrukture i usluga: javno-privatno partnerstvo

Kanton Sarajevo ima Zakon o javno privatnom partnerstvu već nekoliko godina, ali do danas, pored nekoliko pokušaja i inicijativa, nije realizovan ni jedan projekat! To može značiti da nešto ne štima, da možda nije provodiv. Suočeni sa istim izazovima, tri kantona su već revidirale stare Zakone i donijela nove Zakone o JPP (Tuzlanski, Srednjobosanski i Zeničko-dobojski), dok je četvrti u pripremi (Unsko-Sanski). U ovim kantonima Zakoni se primjenjuju u praksi na kantonalnom i lokalnom nivou. Zakon Zeničko-dobojskog Kantona je već rezultirao prvim JPP ugovorom!

Zato predlažem formiranje interesorne, multidisciplinarne grupe Vlade i Skupštine koja će odgovorno i uz pomoć stručnjaka iz ove oblasti pregledati zakonski okvir za JPP i u što kraćem roku ocijeniti nivo i predložiti potrebne izmjene postojećeg zakonskog okvira.

Javno-privatno partnerstvo nije trend već alat javnog sektora za unapredjenje javnih usluga i put za omogućavanje novih investicija privatnog sektora.

S poštovanjem,

---

**Vildana Bešlija**

Zastupnica u Skupštini Kantona Sarajevo  
Naša stranka